

نسخه سی و غرو شدر

اداره خانه سی : آفسرایده
ملا کورانی محله سنده مهتر
سوقا غنده ۳ نومرولو خانه

مرکز وزی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۶۰ غروش
آلتی آلتی ۳۰

جلد : ۳

محفصل

۱۳۳۸

دینی ، علمی ، ادبی ، اجتماعی و شجیم بیک
شهری مجموعه ده

۱۳۴۱ شعبانه مخصوص نسخه

صاحبی ، مدیری و غمردی



اسلامك نفعنه خادم مقالات
مع التشر قبول ونشر اولونور

يازائك شخصیت دكل، یازینك اهمیت
نظر دقته آلتیر .

كلن یازیلردن شایان قبول کوردولنلر
تاریخ میراسیله درج ایدیلیر .

عدد : ۳۴

ضمیمه هات :

محفصل دینی و علمی : تستر شریعتك فوائدی - اسكاییلی عاطف . جمعه نمازی - طاهر المولوی . اسلامیات
عائد یکی نشریات - سعدی . معلومات جاهلیه حقنده بر قونفرانس - طاهر المولوی .

محفصل ادبی : غزل - شیخ عبدالباقی . رباعی . توقادی زاده شکیب .

محفصل تاریخی : سعید بن زید . طاهر المولوی .

و ممنوعه در . زیرا دیانت اسلامیه به افراد ناسدن
ازاله ضرر لازم و واجبدر .

بناءً علیه عقول قاصره و افکار ضعیفه را بنسب
عقائد دینی تشویش ، تربیه و اخلاق فاضله
اسلامیه بی افساد ، شعائر دینی بی اخلال ایذه جک
هر نوع افکار باطله ، عادات قبیحه ایله افعال منہی
تصویر ایلین بالعموم محرراتی او قومق و مطالعه
ایتمکله اشتغالری شرعاً حرام و ممنوعه در .
اسکلی

محمد عاطف

عبادات اسلامیه دن :

جمعه نمازی

معلومدر که جمعه کوننک صر بلرجه نام قدیمی
(یوم العروبه) ایدی . اونی جمعه تسمیه ایدن اجداد
کرام پیغمبریدن (کعب بن لوی) در . مشارالیه او کون
خلق طوبلار و خطبه لر ایرادیه و عظم و نصیحتده
بولونوردی . موخرأ مسلمانلقدده قدری ابحال
ایدیلدی و مسلمانلک اسبوعی یوم مخصوصی اولدی .
جناب حق ، او مبارک کونده اهل ایمانک
جوامعه طوبلانوب هم متصح ، هم متعبد اولمالری
ایچین (اذانودی للصلوة من یوم الجمعة فاسعوا الی
ذکر الله و ذروا البیع) نظم جلیلی ایله صلات
جمعه بی فرض قیلدی (*)

(*) تفاسیرده مذکور اولان : ذکر دن عموم
بحاز طریقله هم خطبه و هم صلات مقصود اولدیفیدر .
احق اولانده بودر . زیرا که آنلرک ایکیسنه ذکر
اطلاقی صادقدر . همده جناب حق جمعه نك فرضتی بر
مباحک تحریمله تأکید ایله مشدرکه اوده بیعدر . تحریم
مباح ایسه مقتضای حکمت اولدینی وجهله آنحق براصر
واجب ایچون اوله بیلیر . .

شو معنی دخی معقولدر که بز یوم جمعهده صلات
جمعه بی اقامه ایچون صلات طهرک ترکیله امر اولمشزدر .
صلات طهر ایسه فرضدر . بر فرضک ترکی آنحق اندن
دها مؤکد و اولی بر فرض ایچون اوله بیلیر . دیمک که
صلات جمعه فرضیتجه صلات طهر دن دها تأکید بر
فرضدر . کتاب الصلاة »

تدبیر منزل ، تربیه اطفال ، معیشتده اقتصاد و تصرف
کبی معلومات نافعه ایله ترزینک ، طقویو جلیق ،
اوروجیلک ، ایب اکرمک و بوکمک ، نقش
و آشجیلق کبی قادینلرک حالزیه متناسب اولان
صنایع نافعه او کرتمک مندوبدر . یعنی بو کبی اعمال
نافعه ایله اشتغال ایدن قادینلره منافع دنیویه دن
بشقه منافع اخرویه و ثواب وعد اولمقدده در .
چونکه (اذا دت المرأة فريضة ربها و اطاعت بعلمها
و حرکت المغزل فی بدھا کانت کأنھا تصبح و مادام
المغزل فی بدھا کانت کأنھا تصلي جماعة و اذا طبخت
القدر لاجل اطفالها تساقطت ذنوبها = قادین ریسنک
فرض قیلدینی عبادتی ادا ایدوب زوجنه اطاعت
ایدر و کرمانیله ترشینی النده حرکت ایتدیررسه
جناب الله متعادیا تسبیح ایتمش کبی ثوابه نائل اولور
کرمانی و ایکنه سی ایله ایشنه دوام ایتدکجه صانکه
جماعتله نماز قیلمش کبی نائل ثواب اولور ، چوجقلمی
ایچون یمک پیشیردیکی زمان کوچک کنه اهلری
دو کولور) حدیث شریفی ایله رسول اکرم افندمن
حضر تلمی فرائض دینیسنی ادا ایلوبده ال
ایشلری ایله ، امور بیتیه ایله اشتغال ایدن قادینلره
ثواب و مکافات وعد بیورمقدده در . حقوق زوجدن
بر حقک ضیاعنه سبب اولماق شرطیله فردی
احتیاجی تأمین دن فضل علم دین و علم حساب ،
طب ، هندسه ، تاریخ ، جغرافیا کبی علوم و فنون
ایله قادینلرک اشتغالی مباحدر .

امهات کتب فقهدن (هدایه) ده بیان اولدینی
اوزره هم جنسلرینی تدای ایچون قادینلردن
بعضیلرینک علم طب تعلم ایتملری مشروعدر .

علم سحر ، طلسم ، بوگو کبی امور دینی
و مصالح دنیویهده فائده سی بولنما مقوله برابر صاحبنه
ویا بشقه سنه بر نوع ضرری دو قونان علوم ایله
او کلرک و قادینلرک اشتغالری شرعاً حرام

مدينه منوره نك جنوب جهتنده واقع مسجد شريف قبادر
جمعه كوني اورادن خروج ايله سالم بن عوف يوردينه
وصول رنده جمعه وقي اولغله (رانونا) دينلن وادي
بطننده واقع مسجد بني سالمه ايلك دفعه اولارق خطبه
بليغه ايراديله صلات جمعه ي ادا بويورمشلدر
شوحسابجه صلات جمعه هجرتك برنجي سائنده
مفروض اولمش ديمكدر .

طاهر المزلوي

مابعدى وار

معلومات جاهليه حقنده بر قوفه رانس

يكن نسخه دن مابعد

شومقدمه دن صوكرا مقصد شروع ايده لم .
عربلر ، قبل الاسلام بر امت اميه ايديلر .
ايچلر نده اوقويوب يازماسي بولونانلرك برر برر
صايلماسي قابليدي . نيته كيم ابن عبدربه (عقد
الفريد) نده :

« ظهور اسلامده مكيلر آره سنده يازي يازه بيلن
بر قاچ كيشي واردى كه اونلرده علي بن ابى طالب ،
عمر بن الخطاب ، طاحه بن عبيدالله ، عثمان و ابان ابنا
سعيد بن خالد ، يزيد بن ابى سفيان ، حاطب بن عمرو ،
اللاء بن الحضرمي ، ابو سلمة بن عبدالاسد ، عبدالله
بن سعد بن ابى سرح ، حويطب بن عبدالعزي ، ابوسفيان
بن حرب ، معاوية بن ابى سفيان ، جهيم بن الصلت بن
خرمده دن عبارت ايدى »

ديور . عثمان بن عفان رضى الله عنه حضرتلرينك
بواسامي صيراسنده ذكر ايديله ميسي ، ياسمنك
اونوتولمش ، ياخود مشار اليهك صوكرا دن اوقومق ،
يازمق اوكره نمش اولماسندن ايلري گلش اولسه
كر كدر . چونكه : مشار اليهده قارى و كاتب
ايدى . حتى وحى كاتبلرندن بولونويوردى .
بوامت اميه نك شوحاليله برابر كتاب اوقومق
دكل ، نظر وكشف صورتيه و آغيزدن اوكره نه
طريقيله نجوم ، اساطير ، زجر ، تطير ، عيافت ،
طرق ، قيافت ، خيل ، طب ، رؤيا تعيري ، انساب ،
تاريخ ، خطابت ، شعر ، كتابت و سائر مه دائر
بعض معلوماتي واردى .

« حديث شريفده : (اعلمو ان الله تعالى فرض
عليكم الجمعة في يومى هذا في مقامى هذا في شهرى هذا فريضة
واجبة الى يوم القيامة فمن تركها جهوداً و استخفافاً بحقها
في حياتي وبعد موتي وله امام عادل و جائز فلا جمع الله شمله
ولا اتم له في امره الا فلا صلاة له الا فلاز كاته الا فلا صوم له
الا أن يتوب فمن تاب الله عليه) بويورولمش (۱) اولديني
كبي ديكر بر حديث شريفده دخی (من ترك ثلاث جمع
متواليات عن غير عذر طبع الله على قلبه ومن طبع الله على
قلبه يحمله في اسفل درك جهنم) بويورولمشدر (۲) - كتاب
الصلاة - حاجي ذهني افندي »

حاجي ذهني افندي مرحوم ، فرضيت جمعه حقنده كي
حديث شريفي يازدقدن صوكرا حاشيه اولارق شو
ايضاحده بولونويور :

« حديث مذكور ايلك خطبه نبويه دندر كه آنی
حين مهاجرتده قبله قلري ايلك جمعه ايراد بويورمشلدر .
معلوم اولديني اوزره هجرت سنه صنين نبوتك اون درديجي
سالي ربيم الاولى اوائلنده ايدى . بر بازار ايرتسي كوني
قريب مدينه طاهرده بني عمرو بن عوف يوردينه [قبا
قريسته] نزول ايله صالي و چهارشنبه و پنجشنبه كولري
اوراده اقات و آنلره مسجدريني تأسيس بويورمشلدر كه

(۱) يعنى : معلومكز اولسون كه بوكونده ، بو
مقامده بو ايده جناب حق ، قيامته قدر دائم اولقى اوزره
نزه جمعه نمازي فرض قيلمشدر .
بن حيايمده اولسون ، وفاتدن صوكرا اولسون ،
امام عادل ، ياخود جائزك تحت تابعينده بولونسون
هر كيم جمعه ي انكارا ، ياخود حقى استخفافا ترك ايده جك
اولورسه الله ايكي ياقاسنى بربره كترمه سين و هيچ بر
ايشنى اتام اتمه سين . معلومكز اولسون كه تارك جمعه نك
صلاقي ده ، زكاتي ده ، صومي ده مقبول دكلدر . مكره
توبه ايده . توبه ايدنك ده الله توبه سنى قبول ايلر .

(۲) يعنى : عذرى اولقسز بن اوست اوسته اوج
جمعه ي ترك ايدن كيمسه نك الله قلبي مهرلر . الله ده بر
كيمسه نك قلبي مهرله يه جك اولورسه اونى جهنمك درك
اسقلنه قور .

حاجي ذهني افندي مرحوم ديوركه :

« آخر حديث شدت عذابه محمولدر . اويله بويورولماسي
او كيمسه وحدانيق و آنك توابني اقرار ايتمكه برابر ترك
جمعه ايتمش اولقى جهنميه فعل منافقينده بولمش اولماسندنر .
منافقون ايسه جهنمك درك اسقلنده در . ياخود جمعه ي
انكارا ترك ايدنلر و ياخود اوعقيده اوزره وفات ايدنلر
حقنده در »